



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KT 0207278 25
Sarajevo, 04.03.2026. godine

PRITVOR !

OPĆINSKI SUD U SARAJEVU
Sudiji za prethodno saslušanje
SARAJEVO

Na osnovu člana 45. stav 2. tačka i), i člana 241. Zakona o krivičnom postupku Federacije Bosne i Hercegovine, **p o d i ž e m:**

O P T U Ž N I C U

Protiv:

ELMEDINA GRADIŠIĆA, rođen 1987.godine, sa prebivalištem na adresi, po narodnosti Bošnjak, državljanin BiH, sa završenom Osnovnom školom, nezaposlen, oženjen, otac jednog mlđb. djeteta, lošeg imovnog stanja, JMB, osuđivan i to: Presudom Općinskog suda u Goraždu broj 45 OK 039836 20 Kps pravosnažna dana 10.07.2020.godine zbog krivičnog djela iz člana 239. stav 3. KZ FBiH na novčana kazna u iznosu od 1.500,00KM koja je zamjenjena u kaznu zatvora u trajanju od 15 dana, **nalazi se u pritvoru po Rješenju o produženju pritvora Općinskog suda u Sarajevu od 15.01.2026.godine, a koji pritvor kože trajati do 15.03.2026.godine ili do nove odluke Suda.**

Zbog osnovane sumnje da je:

Pod Tačkom 1.

Dana 17.12.2025. godine oko 11:25 sati u Sarajevu, u ulici, Općina Novi Grad, s ciljem da za sebe pribavi protivpravnu imovinsku korist, iako svjestan da je nabavljanje, držanje i prodaja opojne droge zabranjena, a što je i htio, postupajući suprotno članu 4. stav 1. i članu 19. i 20. stav 1. Zakona o sprečavanju i suzbijanju zloupotrebe opojne droge („Službeni glasnik BiH“, broj 8/06) od njemu poznatih lica radi dalje prodaje, kupovao i nabavljao različite vrste opojne drogu koju je neovlaštenu držao i skrivao u stanu ulici kojeg je predhodno iznajmio dana 25.11.2025. godine koristeći krivotvorenu ličnu kartu Republike Slovenije broj na ime M.K. i to: 5 (pet) pvc vakum pakovanja sa sadržajem biljne materije pojedinačne neto mase 1026,35 grama, 1027,12 grama, 1030,62 grama, 1030,64 grama, 1029,37 grama *za koje materije je vještačenjem utvrđeno da sadrže psihoaktivnu supstancu Tetrahidrokanabinol (THC) u masenom udjelu većem od zakonom propisanog i predstavlja opojnu drogu Cannabis sativa L*, 10 (deset) vlažnih dvoslojnih vakum pakovanja sa sadržajem bijele vlažne materije pojedinačne mase 977,26 grama, 1006,14 grama, 1001,01 grama, 1007,62 grama, 1011,07 grama, 1007,07 grama, 1002,47 grama, 1014,85 grama, 973,15 grama, 1005,6 grama *za koje materije je vještačenjem utvrđeno da sadrže psihoaktivnu supstancu Amfetamin*, 1 (jedan) prozirni pvc vakum paketić sa sadržajem biljne materije neto mase 6,898 grama, 1 (jedan) prozirni pvc vakum paketić sa sadržajem biljne materije neto mase 3,915 grama, 1 (jedna) staklena tegla 55 ml sa sadržajem biljne materije neto mase 3,395 grama *za koje materije je vještačenjem utvrđeno da sadrže psihoaktivnu supstancu Tetrahidrokanabinol (THC) u masenom udjelu većem od zakonom propisanog i predstavlja opojnu drogu Cannabis sativa L*, 1 (jednu) digitalnu vagu sive boje, oblika

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871
Elektronska pošta: kant_tuz@bih.net.ba, Web stranica: kt-sarajevo.pravosudje.ba

elipse, do 5 kg sa providnim poklopcem sa natpisom “.....” na kojoj se nalaze tragovi biljnog materijala i materijala bijele boje *za koje materije je vještačenjem utvrđeno da sadrže psihoaktivnu supstancu Tetrahidrokanabinol (THC) u masenom udjelu većem od zakonom propisanog i predstavlja opojnu drogu Cannabis sativa L i psihotropnu supstancu Amfetamin*, 1 (jedan) aparat za vakumiranje bijele boje sa natpisom sa tragovima biljnog materijala i tragove bijele boje *za koje materije je vještačenjem utvrđeno da sadrže psihoaktivnu supstancu Tetrahidrokanabinol (THC) u masenom udjelu većem od zakonom propisanog i predstavlja opojnu drogu Cannabis sativa L i psihotropnu supstancu Amfetamin*, 1 (jednu) limenu strugalicu oblika pravokutnika dimenzija cca 11x4 cm sa tragovima bijele materije *za koje materije je vještačenjem utvrđeno da sadrže psihotropnu supstancu Amfetamin*, 1 (jednu) digitalnu vagu sive boje oblika pravokutnika dimenzija cca 500 gx0,01g sa providnim poklopcem i tragovima biljnog materijala *za koje materije je vještačenjem utvrđeno da sadrže psihoaktivnu supstancu Tetrahidrokanabinol (THC) u masenom udjelu većem od zakonom propisanog i predstavlja opojnu drogu Cannabis sativa L i psihotropnu supstancu Amfetamin*, dok je kod sebe lično 1 (jedan) prozirni pvc omot sa sadržajem biljne materije neto mase 1,007 grama, 1 (jedno) prozirno pvc pakovanje u kojem se nalaze dva prozirna pvc pakovanja sa sadržajem biljne materije pojedinačne neto mase 1,258 grama i 2,406 grama *za koje materije je vještačenjem utvrđeno da sadrže psihoaktivnu supstancu Tetrahidrokanabinol (THC) u masenom udjelu većem od zakonom propisanog i predstavlja opojnu drogu Cannabis sativa L*, a Cannabis sativa L se nalazi pod rednim brojem 26. Liste psihotropnih tvari u Tabeli I: Zabranjene tvari i biljke, Tetrahidrokanabinol (THC) se nalazi pod rednim brojem 13. Liste Opojnih droga u Tabeli I: Zabranjene tvari i biljke, Amfetamin se nalazi pod rednim brojem 1. Liste psihotropnih tvari u Tabeli II: Tvari i biljke pod strogom kontrolom Zakona o sprječavanju i suzbijanju zloupotrebe opojnih droga (Službeni glasnik BiH, broj 8/06, 103/08 i 51/11), a koju opojnu drogu je putem vakumirke i digitalnih vaga za precizno mjerenje, dalje pakovao u podesna pakovanja namijenjena daljoj uličnoj preprodaji, a što su sve pronašli policijski službenici prilikom realizacije usmene Naredbe Općinskog suda u Sarajevu broj od 17.12.2025. godine,

Pod Tačkom 2.

Dana 25.11.2025. godine između 18:00 i 19:00 sati u Sarajevu u ulici, Općina Novi Grad, u stanu vlasništvo A.K., svjestan da upotrebljava lažnu javnu ispravu, što je i htio, nakon što mu je Agent za nekretnine D.I. pokazao stan i saopštio uslove zakupa, iste je prihvatio a potom u svrhu pismenog sastavljanja Ugovora o zakupu, navođenja njegovih ličnih podataka kao zakupca u istom te u svrhu potpisivanja Ugovora sa vlasnikom stana, na traženje lične karte od strane D.I., istom pokazao i predao ličnu kartu izdatu od strane Republike Slovenije broj od 03.04.2024. godine sa rokom važenja do 03.04.2034. godine na ime M.K. rođen godine, JMBB iako je znao da on nije M.K. i da to nije njegov lični dokument sa navedenim ličnim podacima, za koji dokument je vještačenjem utvrđeno da se radi o krivotvorenoj ličnoj karti jer je za 1 mm uža od originalne lične karte koju izdaje Republika Slovenija dimenzija 86x54mm, ne posjeduje elemente zaštite koji se ogledaju u optičkim promjenjivim bojama u donjem desnom uglu lica dokumenta i cjelokupna štampa je izrađena upotrebom Ink-jet računarske štampe u bojama koje su zagasitije i bez višestruko izraženih zaštitnih elemenata štampe na originalnim dokumentima, nakon čega je kao M.K. potpisao Ugovor o zakupu dana 03.12.2025. godine,

Dakle, pod Tačkom 1. neovlašteno, radi prodaje kupovao i držao materije propisom proglašene opojnim drogama a pod Tačkom 2. lažnu javnu ispravu upotrijebio kao pravu,

Čime je, osumnjičeni pod Tačkom 1. počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH a pod Tačkom 2. krivično djelo Krivotvorenje isprave iz člana 373. stav 2. u vezi sa stavom 1. KZ FBiH, a sve počinjeno u vezi sa članom 54. istog Zakona.

U smislu člana 151. stav 1. ZKP-a FBiH podnosim:

**PRIJEDLOG ZA PRODUŽENJE PRITVORA OSUMNJIČENOM NAKON
POTVRĐIVANJA OPTUŽNICE**

zbog postojanja osnovane sumnje da je osumnjičeni počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH i krivično djelo Krivotvorenje isprave iz člana 373. stav 2. u vezi sa stavom 1. KZ FBiH, a sve počinjeno u vezi sa članom 54. istog Zakona.

Sa prijedlogom da Općinski sud u Sarajevu prema osumnjičenom Gradišić Elmedinu produži mjeru pritvora u trajanju od 2 (dva) mjeseca zbog posebnih pritvorskih razloga iz člana 146. stav 1. tačka c) ZKP F BiH.

TUŽILAC

Kantonalno tužilaštvo Kantona Sarajevo